



مشیخت جلیله اسلامیه نک جریده رسمیه سیدر

جادی الاخره ۱۳۳۴ [*]

اوپنجی سنه

آیده بر نشر اولنور

عددو : ۲۴

قارشى اداى شكران مقصديه عباد طرفدن ايفا اولونه جق عبادات و طاعات ، ضعفايه مرحمت ، مخلوقات الهييه شفقت و هر خصوصه حقانيت و عدالت رعایت کبی مکارم اخلاقه تزین ذات و صفات ایتمه سنه سبب مستقل تشکیل ایله دیکندن عبادك ايفا ایتدیکی بوتون عبادات و طاعاتك منافعی کندیسنه و بی نوعنه عائد اوله جفته ترده محل یوقدر. بناء علیه دین مین اسلامك احکام عالىه سنه توفیق حرکتله اخروی و دنیوی ، صوری و معنوی اکتساب سعاده غیرت بالعموم مسلمانلرك منافعی ایجابندندر .

دین مین اسلامك احکام عالىه سنه توفیق حرکتله اخروی و دنیوی اکتساب سعاده غیرت بالعموم مسلمانلر ایچون وجا بئندندر . علی الخصوص خلافت مبعوله اسلامیه و دولت معظمه عثمانیه نك تعالى دین و دوات و محافظه حیات ملت ایچون اعلان جهاد و هر حال و حرکاتده عنایت جلیله صمدانییه استناد ایتدیکی وله الحمد والمنه مجاهدین اسلامیه و عساكر عثمانیه نك غزا ساحه لرنده نیجه توفیقات سبحانییه مظهر اولدینی دوشونیتجه وظیفه عبودیتك نه درجه کسب اهمیت ایله دیکنك کاليله تظاهر ایده جکی شبهه سزدر . شو حالدہ منعم حقیقی و محسن ازلینك الطاف جلیله الهیه سنه قارشى قلبمزدن و دیلمزدن شکر و محمدتی بر لحظه آیر مامق و هر خصوصه رضای باریسنی استحصاله چالیشمق وظیفه مزك پك مقدس اقسامنی تشکیل ایله دیککی آزاده بیاندر . الطاف و عنایاتنه پایان اولمایان حضرت خداوند رحیم طاعات ایله مأثوف قوللرینه وسع و یسرینی قرآن کریمده تبشیر بیور مقده در. وادی معصیتده پویان اولانلرك حاللری ایسه دنیاده و آخرتده پك و خیم والیمدر.

غفران الهی ایله مبشر بولونان شهر صیامی تجلیساز اوله جفی معالیاتدن بحق حصه مند اوله جق صورتده امراره غیرت بالعموم مؤمنین و مؤمناتك سعادت ذاتیه لری مقتضیاتندندر. اعلاى شان اسلام ایچون قانلرینی ایشاره آماده بولونان و بیک درلو مشاق سفریه یه کو کس کرن سوکیلی عسکر مزك آنجق فریضه جهادی ایفاده عجز طریانی خوفیله بعده قضا ایتك شرطیله علنی اولیه رق افطار ایله مه لری جائز اولدیغنه نظر آ اهلینك فریضه صومی اداده قطعاً قصور ایتمه مه لری لازمدر .

تصویر علویتنه امکان اولمایان صلاتك وقت و زمانیه اداسنده کی وجوب قطعی ایسه درکاردر. مکارم اخلاقی تتمیم ایچون بعث بیوریلان فخر کائنات علیه اکمل التحیات افندمن حضرت تلرینك امت پا کیزه سی هر یرده و هر زمانده محاسن اخلاقك انمودجی اولمق کر کدر.

زهد و صلاح اسلاميتك لازم غير مفارقيدر. نسوان اسلام عفت وعصمتك ذی حیات
تمثاليدر. تسترده کی حکمت و قیمت پک بالاتريندر. مخدرات اسلاميه بو حکمت علويه نك
ايجاباتنه رعایتده ذره قدر قصور ایتمه ملیدر. استقبال مملکتک مهد حیاتی آنلرک دست
فضیلتنه مودوعدر. ملتارک شوکت وعظمتلرینی تأمین خصوصنده حسیات دینیه وفضائل
اخلاقیه نك تأثیری پک مهمدر.

دینمزک علوی، ملتمزک نجابتی سرمدی سعادتلر مزدددر. شعائر دینیه مزه تمامیه رعایت
وفضائل ملیه مزی حقیله ابرازه غیرت معناً ومادۀ تعالی وترقیمزک اک متین اساسلریدر.
هر زمان اوامر الهیهیه مطاوعت ونواهی صمدانیه دن محبانیت ایله مهلری مقتضی بولونان
مؤمنین ومؤمناتک رمضان مغفرت نشانده صوم وصلاة کبی فرائض مبعجله نی حسن ادایه
صوک درجه اهتمام ایله وعد جلیل صمدانییه احراز لیاقت وملتمزک موقع بلند اخلاقیسنی
هرکس نظرنده اثباته بذل مقدرت ایله مهلری شریعت غرای اسلامیه نامنه توصیه اولونور.

تبلیغات عمومی

اسرای اسلامیه نك تابعات عثمانیه ایله ازدواجلرینه اذن ویرلک ایچون تذکرۀ عثمانیه استحصال
ایللری حقنده

اسرای اسلامیه نك تبعۀ عثمانیه ایله عقد ازدواجلری حقنده مهاجرین مدیریتدن
اذنامه طلب اندلمکده اولوب بونلرک سجل نفوسده قیدی اولمادیغی ویدلرنده تذکرۀ
عثمانیه بولنمادیغی جهتله بوقیل مراجعاتده بولنالره اذنامه ویرلسنه ویا مجلس اداره جه
عقدلرینک اجراسنه دائر اسکی شهر قاضیلکنندن کشیده ایدیلن تلفراقنامه اوزرینه حربیه
وداخلیه نظارت جلیلهلری ایله بعدالخبره اسرای اسلامیه نك تذکرۀ عثمانیه استحصال
ایله تابعات عثمانیه ایله ازدواجلری ایچون اذنامه اعطا ایدلمی خصوصنک تعمیماً قضاة
کرامه تبلیغی مجلس تدقیقات شرعیه دن افاده ایدیلرک ايجابی اجرا قلنمش اولغله طرف
فاضلانلرندن دخی اکا کوره معامله ایفا ونسخ ملفوفه نك ملحققات قضاتنه اسراسنه
همت اولنسی سیاقده شقۀ محبی ترقیم قلندی . ۱۲ رجب ۱۳۳۴ و ۲ مایس ۱۳۳۲

*

* *

مأمورینک معاشه استحقاق ودواملری حقنده

خرجراه قرارنامه سنک مأمورینک معاشه استحقاقی مرکز مأموریتته مواصلتیه